

MEĐUNARODNA NOTARSKA UNIJA - UINL

Predsjednik

Jean-Paul Decorps

Marsej, 23. decembar 2013.

Svim pojedinačnim članovima UINL-a

Dragi pojedinačni članovi,

Došao je kraj sastavu kome sam imao čast da predsjedavam.

Takođe, želio bih da zahvalim svima vama, pojedinačnim članovima UINL-a za podršku koju ste mi pružili i što ste se uvijek mobilisali u vršenju zadataka što je i osnov uspjeha mog mandata.

Na završetku ove tri godine intenzivnog i uzbudljivog rada, želim da u ovom pismu nabrojim glavna dostignuća UINL – a u periodu od 2011. – 2013. godine i u našoj Uniji i izvan nje.

1. Što se tiče naše Uniji, mi smo željeli da je pretvorimo u jednu svjetsku organizaciju koja želi da postigne svoju optimalnu efikasnost.

Prije svega, optimizacija našeg rada

Zaista, *reorganizacija naših internih struktura* u cilju formiranja novih radnih grupa posvećenih određenim temama (Partnerstvo s međunarodnim organizacijama, Notarske mreže i notarske isprave, Pitanje vlasništva) pomoglo je da naša institucija dobije zamaha.

Isto tako, to što smo se opredijelili da *proučimo dvije teme godišnje* tokom naših sastanaka (jedna notarska tema i jedno „vruće pitanje“) privuklo je veliki interes svih naših članova.

Napokon, konsolidacija *sastanaka Generalnog savjeta i Generalne skupštine u jednu zajedničku sjednicu* omogućilo je UINL-u da bliže poveže savjetnike s njihovim nacionalnim notarijatima i da se smanje troškovi sastanaka.

Drugo, optimizacija naše kredibilitnosti

Tokom svog mandata, *ja sam se susreo s političkim vlastima* u preko 60 zemalja. To potvrđuje značaj koji nam daju nacionalne institucije, a to mi je omogućilo da prenesem snažnu poruku o socijalnoj ulozi notara u odnosu na one najsiromašnije, o ekonomskoj korisnosti notarijata za pravnu sigurnost i o njegovoj političkoj korisnosti kao veze između države i građana.

Isto tako, proveli smo *razne programe u cilju pružanja podrške specifičnim notarima* u namjeri da im se pruži obuka o stručnoj praksi, etici i deontologiji.

Povrh toga, *pravila za prijem novih komora-članica* postala su preciznija i u pravnom i u političko-ekonomskom smislu. Naš cilj je da svi naši članovi evolviraju, prema preciznim pravilima koja se odnose na poštovanje svih principa naše Unije.

Takođe smo predložili svojevrsno *sparivanje novih i starih notarskih komora, geografskih susjeda* da bi se onim notarijatima koji su najosjetljiviji omogućilo korištenje znanja i prakse iskusnijih notarijata.

I naš projekat obuke mladih notara je konačno materijalizovan kroz *Svjetski notarski univerzitet* uspostavljen u Rimu u novembru 2012. godine i nastavljen u Buenos Airesu u avgustu 2013. godine. To je velika prilika da se pokaže otvorenost naše Unije prema novim generacijama, kao i naša želja za integrisanjem tih mladih notara koji mogu postati budući lideri naše Unije.

Ova briga za integraciju mladih takođe je pokazana i kroz stvaranje *Udruženja Alumni* koje omogućava svim tim mladim notarima da ostanu u kontaktu na razne načine koje primjenjuje UINL. Dragi članovi, treba da imate u vidu to da su ovi novi članovi takođe i pojedinačni članovi koji na taj način jačaju Svjetsku notarsku mrežu.

2. Izvan naše Unije, željeli smo da pokažemo korisnost UINL-a Prije svega, ekonomska korisnost

Kroz naše projekte namijenjene promociji *Pitanja vlasništva* i kroz tri međunarodne konferencije (u Ouagaduguu – 2012., u MeksikoSitiiju – 2013. i predstojeća konferencija u Vijetnamu – 2014. godine), naglašavali smo ulogu notara u pružanju pomoći najsiromašnijim dijelovima stanovništva da dobiju pristup imanjima i obezbijede vlasništvo nad zemljom.

Time doprinosimo socijalnom miru i održivom razvoju, jer pitanja vlasništva nad zemljom leže u osnovi mnogih sukoba, etničkih ili ekonomskih nemira, otimačina, čak i ratova na mnogim kontinentima.

Drugo, pravna korisnost

Proučavanjem *prometa notarskih akata* namjeravali smo mobilisati sve svjetske notare da nađu rješenja za obezbjeđenje i olakšavanje kretanja jednostavnih, ali korisnih isprava (kao što su punomoći, bračni ugovori ili oporuke).

U tom kontekstu, uspostavili smo *Radnu grupu "Notarska mreža i notarske isprave"* koja je razradila jedan instrument koji olakšava kontrolu prometa dokumenata: to je Sigurni notarski pečat. Međunarodna konferencija u Montrealu (Kanada) u novembru 2013. godine o prekograničnom prometu isprava koje su drugostepene u odnosu na osnovne izvršne isprave što obuhvata akte u anglosaksonskom svijetu, pokazala je korisnost ovakve vrste razmjene znanja i iskustava, a to se može ilustrovati entuzijazmom svih u odnosu na postignute rezultate.

Ovaj *Sigurni notarski pečat (SNS – skraćenica prema engleskom terminu)* dobio je podršku nekih komora-članica tokom prve faze ispitivanja. To će obezbijediti ne samo dodatnu garanciju porijekla i integriteta neke isprave ili njene kopije, nego će takođe pomoći i u borbi protiv sve raširenijeg prometa krivotvorenih isprava ili krivotvorenih kopija. SNS pokriva sve isprave namijenjene korištenju unutar određene zemlje i izvan nje.

Treće, politička korisnost

Tokom mog mandata, mi smo uspostavili *efikasnu saradnju s glavnim međunarodnim organizacijama*. Notari svijeta koje predstavlja njihova Unija, više nisu samo "saradnici" međunarodnih organizacija, nego njihov stvarni partner, priznat i cijenjen, čije se prisustvo traži na međunarodnim konferencijama o temama koje su vezane za našu struku.

Stoga je potpisano više *sporazuma o partnerstvu* između UINL-a i priznatih međunarodnih institucija (UN- HABITAT, IDLO, FAO, IBERRED, itd.).

Isto tako, zahvaljujući našem stalnom pritisku, Svjetska banka je nedavno prihvatila princip integrisanja kriterijuma 'pravne sigurnosti', a ne samo kriterijuma brzine u svom rangiranju zemalja u okviru Projekta Doing Business (Poslovanje) u pogledu prometa nekretnina.

Konačno, važno je uočiti da je naša Komisija za ljudska prava uspjela organizovati *konferenciju o pravima žena* (juni 2013. u Limi, Peru) koja je privukla veliki interes na strateškom i na političkom planu, ponovo ilustrujući ulogu notara u zaštiti prava žena.

Da zaključim,

To je ono što smo mi, zahvaljujući vama i zajedno s vama, bili u stanju uraditi tokom ove tri godine. Možemo svi zajedno biti zadovoljni našom napornom misijom i ponosni na ono što smo postigli. Nema sumnje da to treba nastaviti jer ništa još nije završeno. Mi stalno moramo ići naprijed.

To će biti misija predsjednika Daniela Sengora, mog nasljednika. Ja toplo i prijateljski pozdravljam njegov izbor i želim mu svaki uspjeh u predstojećem mandatu u svojstvu predsjednika notara svijeta.

Napokon, želio bih toplo i iz sveg srca zahvaliti svim ljudima koji su željeli da rade sa mnom uz svu ozbiljnost, predanost i raspoloživost u cilju jačanja održivosti naše Unije, a time i promociji naše lijepe struke.

Posebno vam zahvaljujem na učešću, u svojstvu pojedinačnog člana, u trenutnim aktivnostima naše Unije, kao i za podršku našem radu.

I na kraju, želim vam sretne praznike i, nekoliko dana unaprijed, veoma sretnu Novu 2014. godinu, kao i vašim porodicama i prijateljima.

Žan-Pol Dekorps (Jean-Paul DECORPS)